



Broj: 06-45-9012/25
Sarajevo, 20.10.2025. godine

Na osnovu člana 70. Zakona o organizaciji organa uprave u FBiH („Sl. novine FBiH“ br. 35/05), i člana 70. stav (1) i stav (3) Zakona o javnim nabavkama („Sl. glasnik BiH“ br. 39/14, 59/22 i 50/24), nakon provedenog postupka javne nabavke putem Konkurentskog zahtjeva za dostavu ponuda – Nabavka Office 365 paketa, a na osnovu Preporuke komisije za javne nabavke broj: 06-45-9010/25 od 20. 10. 2025. godine i Izvještaja Komisije za javnu nabavku, direktor Zavoda za izgradnju Kantona Sarajevo **d o n o s i**:

O D L U K U

o izboru najpovoljnijeg ponuđača

1. U skladu sa članom 64. stav (1) tačka b) Zakona o javnim nabavkama („Službeni glasnik BiH“ broj 39/14, 59/22 i 50/24) ugovor u postupku javne nabavke roba „Nabavka Office 365 paketa“ dodjeljuje se ponuđaču **LOGOSOFT d.o.o. Sarajevo** za ponuđenu cijenu nakon e-aukcije u iznosu od **23.899,00 KM bez PDV-a**, popust 0,00, PDV 17% 4.062,83 KM, odnosno u **ukupnom iznosu od 27.961,83 KM sa PDV-om**, s obzirom da je podnio prihvatljivu ponudu sa najnižom cijenom.
2. Ponuda ponuđača **Printex d.o.o. Sarajevo** je shodno članu 2. stav (1) tačka l) podtačka 2) Zakona o javnim nabavkama **neprihvatljiva**, budući da cijena ponude navedenog ponuđača u iznosu od **60.276,00 KM bez PDV-a**, popust 0,00, iznos PDV-a je 10.246,92 KM, što ukupno iznosi **70.522,92 KM sa popustom i PDV-om**, prelazi planirana, odnosno obezbijeđena novčana sredstva ugovornog organa za predmetnu nabavku u iznosu od **49.999,00 KM bez PDV-a** (58.498,83 KM sa PDV-om)
3. Ova Odluka objavit će se na web-stranici <http://zik.ks.gov.ba>, Zavoda za izgradnju Kantona Sarajevo istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.
4. Ova Odluka stupa na snagu danom donošenja i dostavlja se ponuđačima koji su učestvovali u postupku javne nabavke, zajedno sa Zapisnikom o ocjeni ponuda broj: 06-45-9011/25 od 20.10.2025. godine u skladu sa članom 71. stav (2) Zakona o javnim nabavkama.

O b r a z l o ž e n j e

Na osnovu Odluke o pokretanju postupka javne nabavke broj: 06-45-8199/25 od 24.09. 2025. godine Zavod za izgradnju Kantona Sarajevo je pokrenuo postupak javne nabavke sa najmjerom provođenja e-aukcije, pripremio tendersku dokumentaciju, objavio Obavještenje o nabavci broj: 285-7-1-69-3-21/25 i tendersku dokumentaciju za konkurentski postupak javne nabavke: Nabavka Office 365 paketa, na Portalu javnih nabavki u skladu sa članom 53. stav (2) Zakona o javnim nabavkama BiH („Službeni glasnik BiH“ br. 39/14, 59/22 i 50/24) i članom 8. stav (1) Uputstva o uslovima i načinu objavljivanja obavještenja i dostavljanja izvještaja u postupcima javnih nabavki na Portalu javnih nabavki („Službeni glasnik BiH“ br. 80/22). Javna nabavka „Nabavka Office 365 paketa“ oglašena je u „Službenom glasniku BiH“ broj: 59/25 od 10.10. 2025. godine.

Procijenjena vrijednost javne nabavke iznosi: 49.999,00 KM bez PDV-a.

Krajnji rok za prijem ponuda bio je 06.10.2025. godine do 12:30 sati.

Komisija za javnu nabavku sastala se dana 06.10.2025. godine u 13:00, radi preuzimanja i otvaranja ponuda u postupku javne nabavke „Nabavka Office 365 paketa“, koju su podnijeli ponuđači:

1. **Nexis d.o.o. Sarajevo**
2. **Comtrade System Integration d.o.o. Sarajevo**
3. **Printex d.o.o. Sarajevo**
4. **Logosoft d.o.o. Sarajevo**



5. Imtec d.o.o. Sarajevo

Predsjednik Komisije za javne nabavke je otvorio ponude navedenih ponuđača i „Obrasca za cijenu ponude“ i „Obrasca za ponudu“ pročitao ponuđene cijene ponude, dok su uslovi i način plaćanja bili zadati tenderskom dokumentacijom.

Komisija je konstatovala da su ponude dostavili sljedeći ponuđači sa cijenama, kako slijedi:

1.Nexis d.o.o. Sarajevo	49.998,88 KM bez PDV-a...58.498,69 KM sa PDV-om
2.Comtrade System Integration d.o.o. Sarajevo...	29.871,38 KM bez PDV-a...34.949,51 KM sa PDV-om
3.Printex d.o.o. Sarajevo.....	49.188,00 KM bez PDV-a...57.549,96 KM a PDV-om
4.Logosoft d.o.o. Sarajevo.....	44.520,96 KM bez PDV-a...52.089,52 KM sa PDV-om
5.Imtec d.o.o. Sarajevo.....	49.590,00 KM bez PDV-a...58.020,30 KM sa PDV-om

Ostale dokumente na javnom otvaranju ponuda Komisija nije pregledala.

Na otvaranju ponuda nije bilo ovlaštenih predstavnika ponuđača što je konstatovano u zapisniku sa otvaranja ponuda.

Komisija je istog dana na zatvorenom sastanku utvrdila:

Komisija za javnu nabavku je utvrdila da su ponude ponuđača **Nexis d.o.o. Sarajevo, Comtrade System Integration d.o.o. Sarajevo, Logosoft d.o.o. Sarajevo i Imtec d.o.o. Sarajevo** računski tačne.

Pri provjeri računske ispravnosti ponude ponuđača **Printex d.o.o. Sarajevo**, Komisija je utvrdila da je isti napravio računsku grešku prilikom izračuna **ukupne cijene** bez PDV-a za stavku 3. – Microsoft Teams Essentials, budući da jedinična cijena bez PDV-a koju je navedeni ponuđač ponudio za stavku 3. iznosi **924,00 KM**. Kada se **ponuđena** jedinična cijena pomnoži sa traženom količinom **14**, dobije se **ukupna cijena stavke 3.** u iznosu od **12.936,00 KM** bez PDV-a, a ne **1.848,00 KM** bez PDV-a, kako je ponuđač **Printex d.o.o. Sarajevo** naveo u Obrascu za cijenu ponude za stavku 3.

Slijedom navedenog, **zbirom ukupnih cijena** bez PDV-a **svih stavki 1., 2., i 3.** iz Obrasca za cijenu ponude u iznosima od **11.880,00 KM, 35.460,00 KM i 12.936,00 KM**, proizilazi da **ukupna cijena ponude bez PDV-a** iznosi **60.276,00 KM bez PDV-a**, a ne **49.188,00 KM**, koliko je ponuđač **Printex d.o.o. Sarajevo** naveo u koloni Ukupna cijena bez PDV-a. Ponuđeni popust je **0,00**.

17% na iznos od **60.276,00 KM** daje **10.246,92 KM PDV-a**, što daje **ukupnu cijenu ponude** ponuđača **Printex d.o.o. Sarajevo** sa **popustom i PDV-om** u iznosu od **70.522,92 KM**.

Komisija za javnu nabavku je konstatovala da je iz navedenog razloga neophodno ponuđaču **Printex d.o.o. Sarajevo** uputiti **Zahtjev za prihvatanje ispravke računske greške** shodno članu 17. stav (5) Uputstva za pripremu modela tenderske dokumentacije i ponuda, što je ugovorni organ učinio i svojim aktom broj **06-45-8627/25** od **08.10.2025. godine** ponuđaču **Printex d.o.o. Sarajevo** uputio **Zahtjev za prihvatanje ispravke računske greške**, koji je navedenom ponuđaču dostavljen putem e-maila **09.10.2025. godine**, a kojim je ugovorni organ od istog zahtijevao da u roku od **3 (tri) dana** od dana prijema e-maila, tj. najkasnije **13.10.2025. godine** dostavi saglasnost na novu cijenu koja je proizašla nakon izvršene ispravke računske greške. Ponuđač **Printex d.o.o. Sarajevo** je putem e-maila dana **09.10.2025. godine** ugovornom organu dostavio svoju saglasnost na navu cijenu proizašlu nakon izvršene ispravke, kako je ugovorni organ tražio svojim aktom broj **06-45-8627/25** od **08.10.2025. godine**.

Komisija za javne nabavke se ponovo sastala dana **10.10.2025. godine**.

Na osnovu dostavljene Saglasnosti ponuđača **Printex d.o.o. Sarajevo** za prihvatanje ispravke računske greške, Komisija za javnu nabavku je konstatovala da cijena ponude ponuđača **Printex d.o.o. Sarajevo** iznosi



Bosnia and Herzegovina
Federation of Bosnia and Herzegovina
CANTON SARAJEVO
Institute for Construction of Canton Sarajevo

60.276,00 KM bez PDV-a, popust 0,00, iznos PDV-a je 10.246,92 KM, što ukupno iznosi **70.522,92 KM** sa popustom i PDV-om.

-Ponuda ponuđača **Printex d.o.o. Sarajevo** je, shodno članu 2. stav (1) tačka 1) podtačka 2) Zakona o javnim nabavkama, **neprihvatljiva**, budući da cijena ponude navedenog ponuđača u iznosu od **60.276,00 KM bez PDV-a**, popust 0,00, iznos PDV-a je 10.246,92 KM, što ukupno iznosi 70.522,92 KM sa popustom i PDV-om, prelazi planirana, odnosno obezbijeđena novčana sredstva ugovornog organa za predmetnu nabavku u iznosu od **49.999,00 KM bez PDV-a** (58.498,83 KM sa PDV-om), i kao takva se isključuje iz daljeg toka postupka.

Komisija za javne nabavke je također utvrdila da su ponuđači **Nexis d.o.o. Sarajevo, Comtrade System Integration d.o.o. Sarajevo, Logosoft d.o.o. Sarajevo i Imtec d.o.o. Sarajevo** dostavili ponude koje ispunjavaju zahtjeve i uslove iz tenderske dokumentacije, s obzirom da su dostavili sve dokumente tražene tenderskom dokumentacijom kojima su dokazali da ispunjavaju uslove postavljene u tenderskoj dokumentaciji i cjenovno ne prelaze procijenjenu vrijednost predmetne nabavke, te je Komisija sačinila rang listu ponuđača koji ispunjavaju zahtjeve i uslove iz tenderske dokumentacije, kako slijedi (cijene bez PDV-a):

1.Comtrade System Integration d.o.o. Sarajevo	29.871,38 KM bez PDV-a
2.Logosoft d.o.o. Sarajevo	44.520,96 KM bez PDV-a
3.Imtec d.o.o. Sarajevo	49.590,00 KM bez PDV-a
4.Nexis d.o.o. Sarajevo	49.998,88 KM bez PDV-a

Shodno navedenim ponuđenim cijenama, Komisija za javnu nabavku je utvrđivala da li su ispunjeni uslovi da se od ponuđača zatraži pojašnjenja neprirodno niske cijene u smislu člana 17. stav (7) tačke a) i b) Uputstva za pripremu modela tenderske dokumentacije i ponuda.

Komisija je utvrdila da cijena ponude ponuđača **Comtrade System Integration d.o.o. Sarajevo** u iznosu od **29.871,38 KM bez PDV-a** nije za više od 50% niža od prosječne cijene preostalih prihvatljivih ponuda, iz čega proizilazi da nije ispunjen uslov da se od ponuđača traži pojašnjenja cijene iz člana 17. stav (7) tačka a) Uputstva za pripremu modela tenderske dokumentacije i ponuda, koji propisuje da Ugovorni organ obavezno od ponuđača traži objašnjenje cijene ponude koju smatra neprirodno niskom ako su ispunjeni slijedeći uslovi: a) cijena ponude je za više od 50% niža od prosječne cijene preostalih prihvatljivih ponuda, ukoliko su primljene najmanje tri prihvatljive ponude,

Dalje je Komisija za javnu nabavku utvrdila da je cijena ponude ponuđača **Comtrade System Integration d.o.o. Sarajevo** u iznosu od **29.871,38 KM bez PDV-a** za više od 20% niža od cijene ponude ponuđača **Logosoft d.o.o. Sarajevo** u iznosu od **44.520,96 KM bez PDV-a**, zbog čega je Komisija konstatovala da je neophodno ponuđaču **Comtrade System Integration d.o.o. Sarajevo** uputiti Zahtjev za pojašnjenje neprirodno niske cijene shodno članu 66. stav (1) Zakona o javnim nabavkama i članu 17. stav (7) tačka b) Uputstva za pripremu modela tenderske dokumentacije i ponuda, koji propisuje da ugovorni organ obavezno od ponuđača traži objašnjenje cijene ponude koju smatra neprirodno niskom ako su ispunjeni slijedeći uslovi: **b) cijena ponude je za više od 20% niža od cijene drugorangirane prihvatljive ponude.**

Shodno članu 66. stav (1) Zakona o javnim nabavkama i članu 17. stav (7) tačka b) Uputstva za pripremu modela tenderske dokumentacije i ponuda, ugovorni organ je svojim aktom broj 06-45-8700/25 od 10.10.2025. godine ponuđaču **Comtrade System Integration d.o.o. Sarajevo** uputio Zahtjev za pojašnjenje neprirodno niske cijene (koji je navedenom ponuđaču dostavljen putem e-maila 10.10.2025. godine), a kojim je ugovorni organ od istog tražio da u roku od 3 (tri) dana od dana prijema navedenog zahtjeva, tj. najkasnije 13.10.2025. godine putem e-maila dostavi ugovornog organu osnovano obrazloženje ponuđene cijene, tj. da dostavi detaljne informacije o relevantnim sastavnim elementima ponude, uključujući elemente cijene, odnosno osnovano obrazloženje ponuđene cijene.

Dana 13.10.2025. godine ponuđač **Comtrade System Integration d.o.o. Sarajevo** je putem e-maila ugovornom organu svojim aktom broj N-25-171 od 13.10.2025. godine dostavio Pojašnjenje neprirodno niske cijene, u kojem je naveo da je **Comtrade System Integration d.o.o. Sarajevo** ovlašteni Licensing Solution



Partner (LSP) kompanije Microsoft, što predstavlja najviši nivo partnerskog statusa koji Microsoft kompanija dodjeljuje za prodaju licenci i pružanje naprednih rješenja, a kao Microsoft partner sa navedenim statusima **Comtrade System Integration** je u potpunosti posvećen poštivanju Microsoft cjenovnih politika i preporučenih tržišnih cijena, te je u svom Pojašnjenju naveo da cijene koje su ponuđene u postupku javne nabavke – Nabavka Office 365 paketa odgovaraju Microsoft preporučenim (ERP) cijenama i naveo linkove za zvanične Microsoft stranice na kojima se može izvršiti provjera cijena u USD.

Ponudač **Comtrade System Integration d.o.o. Sarajevo** je u prilogu Pojašnjenja dostavio i kalkulaciju ponuđenih cijena iz kojih se vide cijene u USD, kurs konverzije u KM (1,6638970), te cijene u KM za sve tri stavke iz Obrasca za cijenu ponude.

Komisija za javnu nabavku, koja se ponovo sastala dana 14.10.2025. godine u 10,00 sati, je razmotrila dostavljeno pojašnjenje cijene ponude ponuđača **Comtrade System Integration d.o.o. Sarajevo**, kao i priložene dokaze, te analizom pojašnjenja i dostavljenih dokaza Komisija je utvrdila da je ponuđač ponudio preporučene Microsoft cijene i prihvatila kao osnovano obrazloženje cijene ponude ponuđača **Comtrade System Integration d.o.o. Sarajevo**.

Komisija za javne nabavke je konstatovala da su ponude ponuđača Nexis d.o.o. Sarajevo, Comtrade System Integration d.o.o. Sarajevo, Logosoft d.o.o. Sarajevo i Imtec d.o.o. Sarajevo **prihvatljive**, budući da ispunjavaju sve zahtjeve i uslove iz tenderske dokumentacije.

Tenderskom dokumentacijom je predviđeno da se u predmetnom postupku javne nabavke u skladu sa Pravilnikom o uslovima i načinu korištenja e-aukcije („Službeni glasnik BiH, br.80/23) provede e-aukcija.

E-aukcija za predmetni postupak zakazana je za dan 16.10.2025.godine u 12:45 sati i ista je uspješno završena.

Početna rang lista ponuđača koji su pozvani da učestvuju u e-aukciji:

Naziv / ime ponuđača		Ponuđena cijena (bez PDV-a)
1	Comtrade System Integration d.o.o. Sarajevo	29.871,38 KM
2	Logosoft d.o.o. Sarajevo	44.520,96 KM
3	Imtec d.o.o. Sarajevo	49.590,00 KM
4	Nexis d.o.o. Sarajevo	49.998,88 KM

Prema rezultatima Izvještaja o toku i završetku e-aukcije sačinjena je **konačna** rang lista ponuđača koji su sudjelovali u e-aukciji za postupak javne nabavke “Nabavka Office 365 paketa“ (cijene bez PDV-a **nakon** e-aukcije):

Konačna rang lista ponuđača koji su učestvovali u e-aukciji:

Naziv / ime ponuđača		Ponuđena cijena (bez PDV-a)
1	Logosoft d.o.o. Sarajevo	23.899,00 KM
2	Comtrade System Integration d.o.o. Sarajevo	23.900,00 KM
3	Imtec d.o.o. Sarajevo	25.496,00 KM
4	Nexis d.o.o. Sarajevo	25.497,00 KM



Bosnia and Herzegovina
Federation of Bosnia and Herzegovina
CANTON SARAJEVO
Institute for Construction of Canton Sarajevo

Nakon izvršene ocjene ponuda i okončane e-aukcije Komisija daje preporuku Ugovornom organu:
Da se u skladu sa članom 64. stav (1) tačka b) Zakona o javnim nabavkama („Službeni glasnik BiH“ br.39/14, 59/22 i 50/24) ugovor u postupku javne nabavke „**Nabavka Office 365 paketa**“, dodijeli ponuđaču **Logosoft d.o.o. Sarajevo** za ponuđenu cijenu **nakon e-aukcije** u iznosu od **23.899,00 KM bez PDV-a**, popust 0,00, PDV 17% 4.062,83 KM, odnosno **u ukupnom iznosu od 27.961,83 KM sa PDV-om**, obzirom da je u predmetnom postupku ponudio najnižu cijenu prihvatljive ponude

Komisija je sačinila Zapisnik o ocjeni ponuda broj: 06-45-9011/25 od 20.10. 2025. godine, koji je sastavni dio ove Odluke i koji se dostavlja svim učesnicima u predmetnom postupku javne nabavke.

Shodno navedenom odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke svaki od ponuđača može izjaviti žalbu Uredu za razmatranje žalbi putem Ugovornog organa. Žalba se izjavljuje u pisanoj formi direktno na Protokol ugovornog organa ili preporučenom poštom, u roku od 5 (pet) dana od dana prijema ove odluke o izboru najpovoljnijeg ponuđača. Žalba se podnosi u najmanje 3 (tri) primjerka. Naknada za pokretanje žalbenog postupka iznosi 750,00 KM.

Dokaz o plaćenju naknade za pokretanje žalbenog postupka u navedenom iznosu na osnovu kojeg se može nesumnjivo utvrditi da je transakcija izvršena i kopija bankovnog izvoda računa sa kojeg je izvršeno plaćanje, obavezno se dostavlja Ugovornom organu u roku za izjavljivanje žalbe.

Pripremila: Alma Marić, dipl. pravnik [REDACTED]

Direktor:
Belma Barlov, dipl.ing.arh.

DOSTAVITI:

- 1.Logosoft d.o.o. Sarajevo, putem e-maila
- 2.Imtec d.o.o. Sarajevo, putem e-maila
- 3.Comtrade System Integration d.o.o. Sarajevo, putem e-maila
- 4.Printex d.o.o. Sarajevo, putem e-maila
- 4.Nexis d.o.o. Sarajevo, putem e-maila



